

固安縣志卷之七下

列女志

昔曾南豐序劉向列女傳謂王政必有內始故爲之
師傅保姆之助詩書圖史之戒珩璜琚瑀之節威儀
動作之度蓋其由來遠矣至若窮簷巾幘日事織紉
非素習乎詩禮夙承乎保傅者也而遭逢變故或取
義舍生一瞑不顧或撫孤延嗣百折不回又况衰親
待養弱息全無家鮮擔石之儲身受饑寒之累事處
萬難心惟一致斯亦奇矣雖書冊所稱若衛共姜宋
伯姬之高義又何以加焉其業請

旌表者固已棹楔生輝馨香永享卽力未能請而年例已
符鄉評無閒者亦並列之庶使苦節孤嫠同垂不朽
志列女

貞烈

明

老二姐

老勲女有殊色正德初劇盜萬餘自山東轉掠畿甸入縣東境二姐與二鄰女共匿牀下引蓆自蔽盜尋得之扶掖上馬二姐義不受辱自墮於地者二次盜怒殺之盜平有司上其事旌表其門

于楊氏

知縣于進善妻城陷隨夫縊死

李陳氏

教諭李時康妻城破同夫罵賊不絕口被賊殺死

李楊氏

李時康兒婦逼之不從三駢其體遭拉衣仍以手遮砍去三指

李劉氏

知縣李鳳鳴妻幼失所天未亡自誓撫孤垂教采芹著聲已巳之變矢口罵賊致碎首斷項腹破肉

剗刀痕箭瘢遍于四體闔邑憐之崇禎三年題請建坊旌節

張馬氏

舉人張國鑄妻城破殺死

傅牛氏

傳國楹妻夫被殺氏依屍不離致刃腹死

呂楊氏

生員呂鳴燕妻縊死

張呂氏

市民張光宿妻手批其頰斷四肢死

周大姐

生員周自任女被執不從亂砍死

馮大姐

武舉馮位女城破殺死

傅二姐

生員傅商霖女被執不從乘閒投井

李大姐二姐三姐

俱李若璋女

王方氏

生員王家賢妻縊死

張氏

生員張宏度婦被殺

呂氏

生員呂金聲婦被殺

楊氏

生員楊紹序妻被殺

張郭氏

生員張居仁妻縊死

王杜氏

生員王存養妻縊死

單張氏

單永信妻生員養性母同時縊死以上二十一人俱崇禎二年城陷殉難者

楊陳氏

都督同知楊光旦妻泰甯侯陳良弼第四女也夫亡子幼守節京邸已經五載因候諭祭及給地造

葬夫柩未出崇禎甲申三月十七日流寇至昌平氏聞變誓不苟生十九日城陷氏登樓以絲絳自縊死于樓

之欄杆

國朝

蕭姜氏

生員蕭重熾妻年十九夫死晝夜哀號飲食不進小殮畢頭觸靈柩死而復甦及殯葬日自經于柩

前屢經督撫按學匾旌其門有少齡矢志節光日月等語

辛張氏

白村辛越妻夫亡葬畢沐浴自經縣令郭詳請上憲給有青陵奇節之額

傅劉氏

傅華視妻劉好智孫女知縣劉萬策女也夫亡氏以身殉從容就義署縣衛有節烈忘軀之旌氏係

節孝

張劉氏馬劉氏姪女于獨流村建坊

額曰

姊妹姑姪三貞之里康熙年旌表

王程氏

柳林庄王萬榮妻族惡窺榮外出夜分潛入求淫氏堅拒詈罵惡拾鏹斃氏邑令鄭善述廉得其情

寘惡

于法詳請題旌

康熙

五十三年旌表

張李氏

北莊張自友妻族棍乘其夫他出入室逼淫氏堅拒不從棍以帶勒死康熙五十三年旌表

王王氏

王順宇妻爲旗人李文遠逼姦不從自縊雍正十二年旌表

高呂氏

儒士高萬基妻地封武畧尉呂銓女也夫病氏焚香告天祈以身代病革割臂煎湯療之弗痊夫歿

呼號

悲愴誓以身殉姑命撫遺孤勉強從之數月子天

氏遂

閤戶自縊卒時面目如生異香滿室間里奇之

陳劉氏

河營外委陳振興妻夫歿無子哀痛過甚泣下皆血尋服鉛粉而死

劉氏女

渠溝劉鶴鳴女許字新城孫廷玉年十五未婚而

仍不許女泣數日縊于室母救之不得死事聞于夫家
舅姑備禮迎歸其夫已葬矣女請見夫面舅姑許啟棺

女以巾拭之復自剪髮一束置夫首旁痛哭
幾絕扶歸事舅姑甚謹守喪服闋自經而死

邵李氏

庠生邵宗濂妻年二十六夫亡守義
侍姑三年以孝聞姑歿氏自經死

節孝

梁

張劉氏

洮陽縣侯張宏策妻以夫歿家貧葬禮有闕遂終身不居正室不隨子入官府見梁書

明

李馬氏

通關廂李順妻夫早卒誓不再適撫孤成立天順五年知縣李瑞以事聞詔旌表建坊

陳張氏

禮讓里陳睿妻年二十七夫死子墳方數歲自矢守志事親以孝育孤以慈備嘗甘苦無異志焉及

墳長令親師取友

以勵學修行爲訓

龐張氏

澄清坊龐整妻夫早喪守志撫孤貴以壽終推官瑤乃其曾孫也

張王氏

張紹宗妻少失所天自矢守節姑憐其少欲令再嫁遂剪髮毀面以白其志撫孤簡事舅姑以孝稱

彭李氏

彭村彭昉妻年二十四夫卒撫孤守志始終如一

叢甄氏

足業屯叢貴妻年二十九夫死於兵乃誕一子守以終身

楊任氏

副使楊應中祖母

劉楊氏

吏目劉啟光母

劉趙氏

劉景臣妻

牛王氏

牛尙綱妻

劉牛氏

劉傑妻

盧段氏

盧鏜妻

沈郭氏

郭中丞女生員沈應詒妻當鸞翼天折卽毀顏截

勞形

一時撫按縣學暨氏父通家門生匾其廬者藉甚子生員沈昌運有聲泮水實母訓之力也

劉宋氏

生員劉德恭妻青年守志壽百四歲長子學顏遼東義輸助餉次子生員學伋屢舉德行各有院臺

匾旌孫生員養正力學篤行

闔邑稱一門節義孝友云

張李氏

生員張延祖母年二十八夫死撫孤苦節蒙旌名闕坤貞

楊張氏

生員楊春秀妻年二十夫死撫孤苦節蒙旌

楊朱氏

儒童楊國新妻卽張氏媳年十六夫死僵臥柩旁水漿不入口十日竟以烈節而死撫按交章題請

蒙恩旌表

姑息雙貞

國朝

杜趙氏

杜臣妻甘作未亡人撫成遺腹子

李劉氏

生員李聯高妻撫孤育子年甫青春茹雪飲冰歲臻白髮

王張氏

王多仁妻芳年守節皓首如初

劉王氏

劉澤遠妻貞比松筠表清操於晚歲潔同冰雪集正氣於寒門

張陶氏

生員張我經妻二十二歲守志年七十二歲子女皆無家甚貧乏薪米常不給青年矢志白首完貞

上憲旌其門

日苦節可風

張盧氏

張我綸妻機杼贍生金石立志

周祖氏

生員周郁妻當兩髦之告痛方二十之有餘四壁徒存夜月機聲伴子讀一心莫轉秋霜節操少人

知已歷多年猶如一

日康熙二十六年旌

卜劉氏

負郭里生員卜雍妻題請建坊

楊張氏

西辛里楊光啟妻生員慎餘母題請建坊

楊馬氏

蘇家橋楊有良妻年十八夫亡事舅姑撫幼子一切婚葬盡禮皆氏竭蹶勤之

王郭氏

白得碾王之印妻年二十四夫死唯勤紡績以奉舅姑又爲郎叔畢婚繼嗣

楊齊氏

方城楊登妻年三十夫亡孝事翁姑以夫姪世綱嗣苦節五十年壽八十歲

張王氏

渠溝村生員張典母
青年守節奉姑撫嗣

傅田氏

知子營生員傅雲龍妻撫孤瑾成立入庠
娶劉女未幾瑾卒姑媳相依水霜共守

周趙氏

宮村周
世奇母

閆畢氏

柳斌屯閆邦
和邦順母

劉陳氏

澄清坊劉
麒麟母

趙張氏

澄清坊人

張劉氏

貢生劉好智二女長適張似熊氏年十八似熊死
遺孤鼎新氏矢志苦守勤絰織奉孀姑凡二十年

致敬盡孝及卒脫簪珥襄葬事為郎叔似龍議婚教子

鼎新入學次適馬大壯氏年十七大壯卒無出誓以死

殉家人勸慰以從姪之弟嗣氏事翁姑孝撫嗣子慈姻

戚內外動必以禮人稱姊妹雙貞云前令給張柏舟矢

節給馬苦貞克家

之額康熙年旌

卷之六

列女

七

列女

七

陶張氏

東庄陶甫榮妻夫死無子族人以無子不許葬祖塋氏年二十五守節百苦備嘗撫夫姪爲嗣

唐畢氏

固城唐克文妻年二十八歲守節白首完貞

劉蕭氏

獨流劉燭妻年二十四夫死撫孤知縣鄭善述給有獨爲其難之額

史隋氏

齊家務史國漢妻年十八夫死遺子福旺氏矢志撫孤壽七十八卒福旺廬墓三載一門節孝爲世

所稱

唐趙氏

固城生員唐際盛祖母青年守節事姑撫嗣

劉陶氏郎氏

陶氏劉機祖母孀居六十五載壽九十餘郎氏劉機母孀居四十餘年壽七十餘姑媳共

節白首相依

王郭氏

白得礮王京乾母青年矢節撫孤垂耄

周王氏

北召周貴母堅操撫孤孫支繁茂

張李氏

官村張宏濟妻割股愈姑

趙徐氏

位村屯生員趙邦誌妻守志六十餘年壽八十餘歲

鄧劉氏

三公莊生員鄧繼先母于歸遇歲夫終守遺腹孤教訓成立

劉彭氏

西湖村生員劉漢超妻青年苦節

王李氏

沙堡屯王吉然妻吉然父崇有崇禎二年流寓三韓隸廂紅旗同籍康熙十三年吉然征南陣亡氏

年十六守節五十二年本都統請建坊于縣屬之梁家莊

齊胡氏

齊承武妻夫亡孝姑課子舉動悉遵禮法雍正七年旌

曹楊氏

曹淮妻年十八歸淮勤于女紅佐夫領薦二十八歲夫歿孝事翁姑喪葬盡禮課子運登賢書秉鐸

有聲苦節六十年雍正十年旌

傅劉氏

儒士傅明妻乾隆十九年旌

陳賀氏

曹家營陳朝麟妻青年守節乾隆二十二年旌

楊李氏

楊大有妻乾隆二十四年旌

劉楊氏

劉毓俊妻乾隆壬辰年旌

虞金氏

虞濬妻二十八歲守節七十八歲卒乾隆甲子年旌

孫趙氏

紅寺村庠生孫光前妻青年守節乾隆二十八年旌

劉蕭氏

劉宗成妻夫早亡守節四十餘年乾隆二十三年縣令陳給匾旌日節孝可風

陳康氏

陳銓妻二十四歲守節嘉慶八年旌

賈王氏

賈鳳舞妻青年守志嘉慶十一年請旨旌表

李季氏

孟江村李思注妻年二十三守節嘉慶年旌

宋張氏

永定河營外委宋鈞妻年二十一守節嘉慶二十一年旌

宋劉氏

永定河營外委朱鐸妻年二十
十二守節嘉慶二十一年旌

劉高氏

儒士劉文妻守節五
十八年道光八年旌

韓祖氏

武舉韓景昌妻年二十
一守節道光五年旌

史穆氏

牛宅鎮史雲年妻夫歿踰三月生子
元復青年守節撫孤請旨旌表

王林氏

渠溝舉人王永昭次子學博妻年二十
一守節事翁姑以孝聞撫姪德一爲嗣道光九年請
旨旌表

建坊

嚴朱氏

儒士嚴文植妻年二十
一守節道光九年旌

張單氏

香營張經妻年十九守
節道光二十八年旌

姜王氏

門鐵營姜通妻年二十五守節
撫遺腹子學憲給匾形管芳型

張陳氏

周家務張連會妻夫亡子懋德方八歲訓子
成立入庠學憲吳賜母儀師範四字匾額